

L'ESSOR

# FASO KUMAKAN

B.P. : 24

Tél. : 22-21-04

Bamako (Mali)

SIBIRI  
23  
NOWANBURU  
1985

## jamanadenw nisondiyalen ye Abu Dabi masakè Shèki Zayèdi Bèn Sulitan Ali NAHIYAN bisimila

Zenerali Musa TARAWELLE, Pariti "UDPM" Sekeretèri zeneralni jamana fangaso kuntigi ani jamanaden caman, kabini Bamakò, fo Tumutu o-lu bée lajèlen kunnawololen n'u nisondiyalen de ye Abu Dabi masakè, Shèki Zayèdi Bèn Sulitan Ali NAHIYAN n'a nòkanmögòw, minnu hakéye mögò 71 ye, kùnbèn, Bamakò, ntènèn, nowanburu tile 18 san 1985.

Abu Dabi ye "Emirates Arabes" n'o ye larabu jamana masakè 7 ka faamadugu de ye minnu farala nyögón kan, a yèrè ka cèsiri n'a ka kelenya walew kanu kòsón, n'olu nyèsinnen bée larabu jamanaw ma, dinyè fan bée kònò.

Tile dama dò taama in sen fè, ani Peresidan Musa TARAWELLE n'i jamana nyémögòw n'a nòkanmögòw ye nyögón ye, jamana fila cèkow kan, jèkawalekow kadara kònò.

O siratigè la, silamèya walew kalanso n'a dònniso min jòra Bamakò ni Libi ani

larabu jamana kofolén ninnu ka dèmè ye n'a baaraw banni gintanw kéra Abu Dabi masakè ka cidèn Shèki Kalifa Sulitan Bèn HANDAMU Ali NAHIYAN natuma, taama in labènni na, san 1985 Okutoburu la, a y'o yòrò lajè walew kè Peresidan Musa TARAWELLE kérè fè. Olu

kéra Mali silamè jè-kulu mögòw bée lajèlen n'u ka nyémögò, Laji Umaru II ani Bamakò jumamisiriba Alimami Laji Bala KALE ni mumuniw caman nyè na.

A jirala ko sira min bée tème dònniso in da la, Hamudalayi Kin na, k'i kunda Lafiyabugu kin kan, awiyonjiginkèn kòrò sira kan, k'o tògò dàra Abu Dabi masakè la.

O walew sankorétra ni jamana fila cèkow latèmeli baaraw nyögónkunbèn tònsigi ye, min sen fè, dèmèkow dantigèra sira bée kan, i ko silamèya lawèrèli dinyè kònò, ani hadamadenya sinsini, jamanaw ni nyögón cè walasa ka sòròkow,




hèrèkow ani lafiyakow basigi, yiriwali ani nyètaa kadara kònò.

Bènkan minnu bòra jamana nyémögò fila ka nyögónye kònò, o fanba nyèsinna keleyna walew de ma, dinyè silamè jamanaw ni nyögón cè, faantan fara faama kan, finman fara jèman kan, O hukumu kònò, da sera nyögónfaamuya, nyögónsirataama, nyögondémè ani nyögónkanu ma, walasa hadamadenw bée lajèlen ka bèn fèn kelen kan n'o ye jèkafò ni jèkawale ye.


Tarata, Nowanburu tile 19 san 1985, o gintanw kuncera ni soboli kérènènne

ye, min labènn'a ye, Bamakò sobolikènè kan, O siratigè la, a jirala ko Abu Dabi masakè jarabi ye fèn fila de ye, minnu kad'a ye kosebè, n'u b'a nyènajè, k'a nisondiya, n'o ye soboli ani donsoya ye. o de kòsón, Mali donsow ka cidèn wera sobolikènè kan, nyènajèfèn caman wèrew kérè fè.

A kà tile dama dò taama labanna ni Tumutu dugu lajèli ye, ka d'o jòyòrò kan, silamèya lawèrèli sira kan, Mali kònò kabini lawale, fo sisan, ni bèn kèra hijira gintanw labènni kan a dugu kònò.



# Néeriland jèkawalekow minisiri Mmu SHOO ka taama Mali kònò



Tile saba teriya taama hukumu kònò. Néeriland jamana jèkawalekow minisiri Mmu SHOO n'a nòkanmögòw donna Bamakò, Araba, Nowanburu tile 13 san 1985.

Odon kelen, sanni Mmu SHOO ka bisimila Mali jamana fangaso kuntigi, peresidan Musa TARAWELE fè, a ni Mali kòkanjòw minisiri, Aliyuni Bi-londèn BEYI ye nyögón kùnbèn, jamana fila cèkow kan, jèkawale kadara kònò.

A jirala, o siringè la, k'u y'u bolonèw bila dèmèsèbèn naani na, minnu na-folo kasabi ka ca ni

"CFA" wari miliyari 5 ye, min latéméra, gansan, Mali ma, Néeriland jamana ka yiriwalidèmè sira kan.

O nafolo ka kan, ka don dèmèbolo naani da fè, i ko fèerè min sirilen bè "Ofisi di Nizéri" la, ko "ARPON" n'o hukumu kònò, malosènèlaw bè cikè, kenyèrèye kada kònò, ani ja kèlèli fèerèw ani nyinini fèerèw, sè-nékow sira kan, an'o yiriwalì fèerèw saba bée lajèlen musakaw, mögò faamuyalenko ni minènko sira kan.

Néeriland jamana ye baara wèrè minnu

kè Mali kònò, i n'a fo Kayi, Tumutu, Gawe ani balolaseko, jakóngtòw ma ani kallakow, kènèyakow, sannifeerekow ni hadamadenyakow noggóyalí sira, kan, olu bée lajèlen dantigèra, k'u foli konyuman kònò.

À jamana jèkawalekow minisiri, Mmu SHOO ka walew kuncèra ni nyögonyew ye, Mali jamana nyemögòba caman fè, minnu y'a bisimila ani yoròla-jètaamaw, n'olu sen fè, a n'a nòkanmögòw n'a jatigiw taara Nyònò, "Ofisi di Nizéri" la, Ségu, ani Tumutu ni Gao.



# — Peresidan — ka nyögonyew

Jumadon, nowanburu kale tile 15, san 1985, Mali jamana kuntigi zenerali Musa TARAWELE ye Sengali jamana dugujukòròjikow minisiri Sanba Yela JOPU, n'a le de ye Senegali baholo labaarali jekulu "OMVS" jamanaw minisiriw ka lajènyemögòye, bisimila Mali faaba kònò.

Sanba Yela JOPU y'a jira Peresidan Musa TARAWELE la, ko "OMVS" baaraw bée bée ka b'u sira fè.

Min ye jekulu in jamanaw nyemögòw hamankò ye baara tòw laseli la, wale min ka kan ka kè an dèmèbagaw fan fè o siringè la, a y'o wanwalan.

Sanni u ka baro ka wuli, Sengali minisiri nisondiyalen ye zenerali Musa TARAWELE kunnaфонi JAMA bibili ka baara damèli la alamisodon, nowanburu kale tile 14, san 1985.

Jumadon kelen in na, Mali fangaso

kuntigi ye Afiriki tilebinyanfan jamanaw ka lakanani jekulu "ANAD" Sekertèri zenerali Zan GOMISI bisimila, zenerali zan GOMISI ye "ANAD" ka kewalew nyefò zenerali Musa TARAWELE ye "CEAO" jamanaw kònò. Gèlèya minnu bë tòn kan sis-an a da ser'olu fana ma.

Peresidan Musa TARAWELE ka jumadon mögòbisimilalen laban kera Cadi jamanaw dugujukòròjikow ni baganmara minisiri Tahèri GINASU ye, n'ale ye joliba babolo labaarali jekulu "ABN" jamanaw minisiriw ka lajèkuntigi ye.

Tahèri GINASU y'a jira ko ni kura ka kan ka don "ABN" feèrè tigèlenw waleyali la. O kò, a da sera Cadi politiki-kow ma zenerali Musa TARAWELE ye, ka tila ka NJamena gofèrèna-ma nkaniya jira jamanaw ka kelenya sabatili la.

## jèkabaara nafama

Dinyè tajibò jekulu min tògò "SHELL", n'a nyögón ka dogò dinyè kònò, o konyènabò jekulu mögò dò, n'o ye Wani EGELISHOWEN ye, o ye tile saba taama kè Mali la, min sen fè a kùnbènna Mali fangaso kuntigi zenerali Musa TARAWELE fè.

Nin y'a sinyè fòlò ye, "SHELL" nyemögòba dò ka taama kè Mali la, min sen ciyakèda in bolofara min bè Mali la, o ka tònsigi nyemögoya kònò.

O tònsigi sen fè, ciyakèda in bolofara min bè Mali la, da magara o ka cèsiri la ka Mali dèmè taji nyinini baaraw le Tawudeni mara la. Uye wari min don o baaraw da fè nyinan, o hakè taar'a jò fo "CFA" wari miliyari 3 ni tila la; nka Alaman'a latigè an ka se ka taji sòrò yen. O n'a ta bée, jòyòròba bée jekulu in na taji feereli la an ka jamanaw kònò.

"SHELL" nyemögòba in ni Mali jamana Peresidan ka kumany-

gonya kò fè, a ni Mali foroba baaraw ni taransipòròkow minisiri Mamadu HAYIDARA ye nyögonye nafamaba kònò.

O kadara kònò, minisiri Mamadu HAYIDARA y'an ka jamanaw ni "SHELL" ka jekawa-le tanu, k'a da jekulu in ka nkaniya nyuman kan ka nyèsin Mali ma.

Mali taransipòròkow minisiri y'a jira tuguni, ko an ka kan ka "SHELL" wale-nyumandon, k'a masoro a b'a ka sòrò fanba don Mali yiri-wali baaraw da fè. O kérè fè, a y'a nkaniya, ka dò fara an ka taji sòròta kan min bè na Lome sira fè.

EGELISHOWEN y'a ka nisondiya jira "SHELL" ni Mali ka jekawalew kan, min bè ka lawèrè ka t'a fè sira caman kan.

Sanni u k'u kosegin, "SHELL" nyemögòba in n'a nekamme-gòw taar'u nyèda Mali danbefènw marayòrè kan; o kò, u taara bò fiyentòw ye u ka kalanso la, ka ladiyalifèn caman d'u ma.